

四庫全書

子部

欽定四庫全書

子部
唐開元占經卷八十五至
七

詳校官中書臣李采

靈臺郎臣倪廷梅覆勘

總校官編修臣王燕緒

校對官中書臣王慶長

謄錄監生臣錢雋選

欽定四庫全書

唐開元占經卷八十五

唐

瞿曇悉達 撰

妖星占上

妖星所主一

黃帝占曰妖星者五行之氣五星之變如見其方以為災殃各以其日五色占知何國吉凶決矣以見無道國失禮邦為兵為饑水旱死亡之徵也 黃帝占曰凡妖

星所出形狀不同為殃如一其出不過一年若三年必有破國屠城其君死亡天下大亂兵士行戰死於野積尸縱橫餘殃盡為水旱兵饑疾疫之殃 石氏曰妖星之狀不相類其殃一也其出不過三月必有破國亂君伏死其辜殃之不盡當有旱饑暴疾疫矣 甘氏曰凡妖星出見長大災深期遠短小災淺期近三尺至五尺期百日五尺至一丈期一年一丈至三丈期三年三丈至五丈期五年五丈至十丈期七年十丈以上期九年

審以察之其災必應

天棓占二

河圖曰歲星之精流為天棓 甘氏曰天棓一名覺星

甘氏曰天棓本類星末銳長四丈 班固天文志曰

歲星羸而東南孟康曰歲星見東方行疾則不見不見

則變為妖星也 石氏曰見彗星 甘氏曰不出三月

乃生彗本類星末類彗長二丈盈而東北 石氏曰見

覺星 甘氏曰不出三月乃生天棓本類星末銳長四

丈也 春秋緯曰天棊主滅兵 春秋潛潭巴曰天棊

主奮爭

河圖曰分爭

甘氏曰天棊出其國凶不可舉事用

兵又曰期三月必有破軍拔城 潛潭巴曰棊槍出仲

孟芒交若相棊宰將伐主天下大亂 甘氏曰天棊出

期三月必有破軍拔城人君伏死其罪 甘氏曰客天

棊見女主用事其本者為主人

天槍三

河圖曰歲星之精流為天槍 春秋合誠圖曰天槍主

捕制 春秋緯曰歲星退而其南三月生天槍陽沈變
萌戰亂兵行諸侯大橫所見國無用兵 班固天文志
曰歲星縮而西南孟康曰歲星當伏西方行遲早沒變
為妖星也 石氏曰見攬雲如牛 甘氏曰不出三月
乃生天槍左右銳長數丈 縮西北 石氏曰見槍雲
如馬 甘氏曰不出三月乃生天槍本類星末銳長丈
河圖曰天槍主改修 甘氏曰天槍在西北本類星
末銳一丈 甘氏曰天槍見則女主有用事者其本為

主人 巫咸曰天槍出國有功 班固天文志曰孝文

後二年正月壬寅天槍夕出西南占曰為兵喪亂其六

年十一月勾奴入上郡雲中漢起三軍以衛京師

按劉向洪

範曰文帝崩吳楚七國反者也

郝萌曰歲星與日月同宿八十日

闕

天槍出婺女至胃為天槍

天猾四

河圖曰歲星之精流為天猾 河圖曰春秋緯曰天猾

主招亂者 春秋緯曰人主自恣不備古王逆天暴物

則天猾起如衆馬鬪於邦地躍璫曰反光

天衝五

河圖曰天衝歲星之精流為之 劉向洪範曰天衝其

狀如人蒼衣赤首不動其名曰天衝 春秋潛潭巴曰

天衝主滅位 春秋運斗樞曰衝星出臣謀主武卒廢

天子亡 運斗樞曰天衝抱極泣帝前血濁霧下天下

冤 宋均曰抱猶向也極北辰也泣言有淚衆
也帝大帝即北辰也血濁如霧霧濁如血

國皇六

河圖曰歲星之精流為國皇 春秋運斗樞曰機星散
為國皇 巫咸曰國皇之星大而赤類南極老人星也
春秋緯曰國皇主滅奸 春秋合誠圖曰國皇主內
寇一曰主內難 春秋考異郵曰國皇星見則兵起天
下急 司馬彪天文志曰孝靈光和中國皇星見東南
角去地一二丈如炬火狀十餘日不見占曰國皇為內
亂外內有兵喪其後黃巾賊張角燒州郡朝廷遣將討
平斬首十餘萬級中平年宮車晏駕大將軍何進令司隸

校尉袁紹私募兵千餘人陰射洛陽城外竊呼并州牧董卓使將兵至京都共誅中官對戰南北宮及闕下死者數千人燔燒宮室遷都西京及司徒王允與將軍呂布誅卓卓部曲將郭汜李傕提兵攻長安公卿百官吏民戰死者亦且萬人天下之亂皆自內發 巫咸曰國皇星所指其下起兵兵強或曰其衝不利 石氏曰國皇星入天庫兵起亡地 荊州占曰國皇入紫宮國有大變兵起又曰人主有憂 荊州占曰國皇星入紫宮

兵起得地

反登七

河圖曰歲星之精流為反登 春秋緯曰反登主夷分
春秋緯曰皆少陽之精司徒之類青龍七宿之域有
謀反若恣虐為害主失春政者以出時衝為期皆主君
徵也

析旦八

河圖曰熒惑之精流為析旦

或曰昭旦

春秋緯曰析旦主

弱符 春秋緯曰析旦橫出 濁百尺為相誅滅

蚩尤旗九

河圖曰熒惑之精流為蚩尤旗

按皇覽塚墓記曰蚩尤塚在東郡壽張縣關鄉

城中高七丈民常十月祠之有赤氣出如絳帛民名為蚩尤旗述征記曰須昌縣關鄉有蚩尤塚或云上代民以十月旦祠之輒有赤氣如一疋絳謂蚩尤旗也漢書武帝建元六年元狩四年並有長星見班固五行志曰為蚩尤之旗也 春秋運斗樞曰旋星散為蚩尤旗 說苑曰

蚩尤旗五星盈縮之所生也 巫咸曰蚩尤之旗類彗

而後曲象旗 夏氏曰四望無雲獨見赤雲蚩尤旗也

荊州占曰蚩尤星如箕可長二丈未有星 呂氏春

秋曰亂國之主衆邪並積有雲若桓霍以長黃上白下

其名曰蚩尤旗 春秋緯曰蚩尤旗誅逆國 春秋緯

合誠圖曰蚩尤之旗出平四野 河圖提曰帝將怒則

蚩尤旗出 論語摘輔象曰虐王反度則蚩尤旗出

雜書曰旗刺旋主備臣邊雄侯之賢主過出兵馬驚

黃帝占曰蚩尤旗本顛星而後委曲其象旗幡長可二

三丈見則王者鼓旗大行征伐四方兵大起不然國有

大喪王者亡期三年中五年遠七年

按洪範五行傳曰武帝建元六年八

月長星出東方長竟天占曰是蚩尤旗見則王者征伐四方自是之後兵討四夷連二十年元狩四年四月長星復出西北是時擊胡拔司馬彪天文志曰孝獻初平三年九月蚩尤旗長十餘丈色白出角亢之南其後丞相曹公征伐天下且三十年魏志曰高貴卿公正元元年十一月有白氣出南斗側廣數丈長竟天景王問王肅肅對曰蚩尤之旗也東南其有亂乎二年正月母丘儉等據淮南以叛大將軍司馬師討平之自後征淮南西平巴蜀是歲吳王孫亮五鳳元年太平三年孫琳盛兵圍宮廢亮為會稽王孫琳主淮南江東同揚州地故于時變見吳楚之分則魏之淮南多與吳同災是以母丘儉以為己應遂起兵而敗三年即魏甘露二年諸葛誕又反淮南吳遣朱異救之及城陷誕眾誅滅魏氏春秋曰正始元年十一月蚩尤旗見於箕東吳兵死沒

各數萬人車騎將軍黃權薨之兆也

黃帝占曰蚩尤旗出北斗長二三

丈本有星其上委曲見則天下亂大兵起天子自將兵旗鼓用不然國有大喪期百八十日中一年遠三年

春秋緯曰蚩尤之旗見則山崩 春秋緯曰蚩尤之旗

五精離芒天運大兵垂其彗後曲而前長四方並亂天下滅兵羣猾動帝座於堂見則五寇行主不正暴必有反兵期五年天子憂不以亡則九年凶加於斗宿天子器器出於列位勉正四方 春秋緯曰蚩尤伐矜誅逆

滅患蚩尤起天下之兵合禍紛紛 春秋緯潛潭已曰

蚩尤之旗主伐叛又曰主惑亂 春秋運斗樞曰蚩尤

之旗見則山崩后族擅權 春秋運斗樞曰蚩尤旗干

大徵法式滅帝死於野 春秋緯考異郵曰蚩尤旗見

則王者伐枉逆 鈞命決曰旗刺瘳咄咀出匿謀合

蚩尤旗

也 蚩尤旗 夏氏曰蚩尤旗所見之方其下有兵四方盡有

天下有兵 郊萌曰蚩尤旗守軫赤哭禮 荊州占曰

蚩尤旗見則兵大起不然有喪

昭明十

河圖曰熒惑之精流為昭明

荊州占曰填心之變為昭明也

黃帝占

曰昭明者五星之變出於西方名曰昭明金之氣也

春秋合誠圖曰赤彗分為昭明昭明滅光也

宋均注曰滅主之光

明也象如太白吐芒故以為起霸之徵期七年

春秋運

斗樞曰機星散為昭明

黃帝占曰西方有星望之去

地可丈而白有光其類太白數動察之中赤是謂西方

之野星名曰昭明出兵大起其出也下有喪出南則西

方邦失地 黃帝占曰昭明星出入畢中有屠國 河

圖曰昭明弗心天子三公殺主必成 雒書兵鈴勢曰昭

明見霸者生 春秋運斗樞曰昭明有角亡徵也 春

秋緯曰昭明改德 春秋緯合誠圖曰昭明所起期七

年天子奪於州牧去所出下發 春秋緯考異郵曰昭

明星見則國滅賢主立 春秋緯考異郵曰昭明如太

白不行 春秋緯潛潭已曰昭明起有德 巫咸曰昭

明所起國起兵多變 巫咸曰西方有星大而白有角

目下視名曰昭明金之精出則兵大起若守房星國有大喪必有屠城昭明下則為天狗所下者大戰流血星出非其方有兵衝則不利期不出三年 却萌曰昭明

星見大人凶 却萌曰昭明出兵大起 却萌曰昭明

星守心大有喪 却萌曰昭明星見虛中天下無兵兵

起有兵兵罷大臣為謀 天官書曰昭明大而白無角

乍上乍下 孟康曰形如三足几上有九尋上向也 所出國起兵多變 荆

州占曰昭明星出營室中大臣為亂無兵兵起有兵兵

罷

司危十一

河圖曰熒惑之精流為司危 春秋合誠圖曰白彗之

氣分為司危司危平非也以為乖事之徵 春秋運斗

樞曰機星散為司危 孟康曰司危星大而毛兩角

荊州占曰司危類太白類動察之赤 洛書曰司危

出強國盈 春秋緯潛潭巴曰司危主擊強侯兵也

合誠圖曰司危如太白有目以為乖事之徵見則主失

法期八年豪傑起天子以不義失國有聲之臣行主德

也

宋均注曰
聲名稱也

春秋緯考異郵曰司危見則其下國殘

賊

天官書曰司危星出正西方之野星去地可六七

丈而白頸太白一曰見兵起強 天官書曰司危出非

其方下有兵衝不利 荊州占曰司危出則兵起其下

為喪

天攬十二

河圖曰熒惑之精流為天攬 春秋緯曰歲星退如西

北三月生天攬 却萌曰星出其狀白小顫動是謂攬

星一名斬星 孫炎曰攬槍妖星別名也

尸子曰彗星為攬槍也

春秋緯潛潭已曰天攬主煞時 甘氏曰天攬見女

主用事者其本為主人 甘氏曰天攬出西南長數丈

左右銳出而易處 巫咸曰天攬出其國內亂 京房

曰天攬出其下相攬為亂為兵赤地千里枯骨藉藉

按班

固天文志曰孝文後二年正月壬寅天攬夕出西南後匈奴入上郡雲中漢起軍以衛京師也 却萌

曰攬星出即出兵起出於東方國益鄉皆然 班固天

文志曰天攬出為兵喪 河圖曰太陽之精赤鳥七宿之域有謀反若悖心為虐害主失政者期如占皆以類名之也

五殘十三

河圖曰五殘主奔亡 河圖曰填星之精流為五殘

春秋運斗樞曰旋星散為五殘 春秋合誠圖曰蒼彗

散為五殘如辰星出角陽失德故生角五殘者五分也

故為殘毀敗之徵

宋均曰五殘五分彗一本而五枝也

期九年奸興三九

二十七亂大不可禁 黃帝占曰五殘者五行之變出於東方名曰五殘木之氣也 宋均曰五殘一曰五鋒

巫咸曰五殘星出正東方之野星狀類辰星可去地

六七丈大而白 春秋合誠圖曰五殘主乖亡 都萌

曰五殘兵星也 黃帝占曰東方有星望之去地可六

丈大而赤察之中青

孟康曰星表青氣如有暈也

其類歲星是謂東

方之野星名曰五殘出則兵大起其出也下有喪北出

則東方邦失地 河圖曰五殘出則宰司馬之輩萌

河圖曰五殘出四蕃虐天子有急兵 雒書雒罪級曰

五殘六賊出禍合天下逆侵關樞 雒書兵鈴勢曰五

殘起野亂成 雒書曰五鋒星出翌白帝亡也 尚書

緯運期授曰白帝亡也五殘出 春秋緯考異郵曰五

殘備急 考異郵曰五殘見則主誅政去伯 郊萌曰

五殘見則國殘起奔繫亡 天官書曰五殘所出非其

方為其下有兵衝不利 荊州占曰五殘大而赤數動

察之而青 荊州占曰五殘出則兵起其下為喪

六賊十四

黃帝占曰六賊者五行之氣出於南方名曰六賊火之氣也 孟康曰六賊星形如彗 黃帝占曰南方有星望之去地六丈赤而數動察之有光其類熒惑是謂南方之野星名曰六賊出則兵起其國亂其出也下有喪出東方則南方邦失地 巫咸曰六賊星見出正南方之星去地可六丈大而赤數動有光 天官書曰六賊星所出非其方為其下有兵衝不利

獄漢十五

河圖曰填星之精散為獄漢 春秋運斗樞曰權星散

為獄漢 黃帝占曰咸漢者五行之氣出於北方名曰

咸漢水之氣也 班固天文志曰獄漢一名曰咸漢

天官書曰獄漢星出正北北方之野星去地可六丈大

而赤數動察之中青 孟康曰獄漢青中赤表下有三星

彗縱橫 春秋合誠圖曰獄漢主逐王 春秋潛潭巴

曰獄漢主刺王 黃帝占曰北方有星望之可去地六

大大而赤數動察之中青黑其顙辰星謂北方之野星
名曰咸漢出則兵起其出也下有喪出西則北方之邦
失地 雜書兵鈴勢曰獄漢動諸侯驚 春秋運斗樞
曰獄漢出陰精橫 天官書曰獄漢所出非其方為其
下有兵衝不利 荊州占曰獄漢出則兵起其下為喪

大賁十六

河圖曰填星之精散為大賁 河圖曰大賁出主暴衝
也

炤星十七

河圖曰填星之精散為炤星 河圖曰炤星主滅邦又
曰炤星見主滅亡

絀流十八

河圖曰填星之精散為絀流 春秋緯曰絀流主伏逃
河圖曰絀流動天下數主自理無所逃

第星十九

甘氏曰第星出東南本有星末類第所當之國是受其

殃 京房曰第星三角三年消五角五年消七角七年
消九角九年消

唐開元占經卷八十五

欽定四庫全書

唐開元占經卷八十六

唐 瞿曇悉達 撰

妖星占中

旬始占二十

河圖曰填星之精散為旬始 春秋運斗樞曰樞星散

為旬始 說苑曰旬始五星盈縮之所生也 廣雅曰

旬始妖氣也

徐廣曰旬始黃尤也

巫咸曰旬始出於北斗傍伏如

雄雞其怒青黑象伏鼃

李奇曰怒當為捰晉灼曰捰雌也或曰怒則青色按司馬長卿

大人賦曰垂旬始以為慘兮
捰星以為捰謂此星也

春秋合誠圖曰黃彗分

為旬始旬始者令起也狀如雄雞土含陽以文白接精

象雞故以為立主之題十年聖人起伏

宋均註曰接理也題識也土含

文采故其氣理為雞取其
知時土數十也起作也

春秋合誠圖曰旬始主爭

兵春秋考異郵曰旬始主亂春秋潛潭巴曰旬始

主招橫春秋考異郵曰旬始其下必有滅亡五姦爭

治暴骨積骸以子續食見則臣亂兵作諸侯為虐黃

帝占曰常以戊戌

巫咸曰戊巳

視五車中有奇恠曰旬始狀

如鳥有喙而見者明則兵大起攻戰當其首者破死欲

為之左右勿逆

黃帝占曰旬始見天庫中所向兵弗

能當黃帝占曰旬始出見北斗聖人受命天子壽主

者有福文曜鉤曰旬始見行起北斗傍期六十日兵

大起上將軍出帝自臨兵期不出年春秋緯曰衆變

並集旬始昭天下有滅主五姦爭治春秋緯運斗樞曰

辟之失樞旬始出於五諸侯孝經章句曰有妖星在

東井陰名曰旬始旬始出主失國入井則霜 郝萌曰
旬始出建星水災並行邊境起兵者備水盜賊班固天
文志曰旬始如鰲見羣猾橫盜 玄冥占曰有星狀如
雄雉其色赤黃名曰旬始見則天下有兵其國不寧期
三年 石氏曰常以戊戌日一曰戊巳視天軍中有旬
始星狀如鳥見者兵大起攻戰向其首者破為之左旋
乃戰常勿逆也

擊咎二十一

河圖曰填星之精散為擊咎 河圖曰擊咎出臣弄主
一曰臣禁主 河圖曰擊咎主大兵 文曜鉤曰擊咎
守軫耀百尺為相誅滅 河圖曰土精斗七星之域以
長四方八卦之內司空之位有謀反若盜虐者期如上
占

天杵二十二

河圖曰太白散之精為天杵 石氏曰天杵主牂羊

天拊二十三

河圖曰太白之精散為天拊

河圖曰天拊主擊殃

伏靈二十四

河圖曰太白之精散為伏靈

河圖曰伏靈主領讒

郝萌曰伏靈出天下亂復治

大敗二十五

河圖曰太白之精散為大敗

河圖曰大敗主開衝

韓楊曰大敗出擊咎謀

司姦二十六

河圖曰太白之精散為司姦 河圖曰司姦主見妖

天狗二十七

河圖曰太白之精散為天狗 黃帝占曰天狗者五星

氣合變出西南金火氣合名曰天狗 孟康曰天狗星

有毛旁有短彗下有如狗刑者

按三秦記曰驪山西有白鹿原周平王時白鹿

出是原原上有狗枷保秦襄公時有天狗枷來下民係其上有賊天狗則吠而護之故一保無患也抱朴

子曰有黑氣如牛馬入其軍者名天狗下食血其軍必

敗

廣雅曰天狗妖氣也

河圖曰天狗主候兵 春秋緯曰天狗主

討賊 春秋緯曰天狗流五將開 石氏曰西北有星

長三丈而出水金氣交名曰天狗

荊州占曰西北三星大而白名天狗見則

大兵起天下飢人相食按辛氏秦州記乞伏韓歸獵於康狼州見天上如有十丈餘絳直下山川草木皆赤相

氣者云天狗下後遂破呂保足也

石氏曰天狗所下之處必有大戰破

軍殺將伏尸流血天狗食之皆期一年中二年遠三年

各以其所下之國以占吉凶 郝萌曰西北有三大星

出如日狀名曰天狗天狗出入相食一曰昭明下則為

天狗天狗所下兵大起流血 郝萌曰星出其狀赤白

有光下即為天狗其下小小有足所下之地必流血國

易政

按山海經曰金門之山有赤犬名曰天犬其所下有兵郭璞註曰周書云天狗所止地蓋頂餘光飛

天為流星長數十丈其疾如風聲如雷走如電吳楚七國反時過梁野鴻範五行傳曰七國之兵戰於梁地故狗先降梁壘以見其象也狗者守圉之類也天狗所降以戒守圉班固天文志曰孝文帝後二年八月天狗下梁野是歲誅反者周殷長安市吳楚攻梁梁王堅守遂伏尸流血其下也七年六月文帝崩

班固

天文志曰哀帝定平元年正月丁未日出時有著天白氣

廣如一疋布長十餘丈西南行謹如雷西行一刻而止名

曰天狗傳曰言不從則有狗禍到其四年正月二月三

月民相驚動謹譁奔走傳行詔禱祠西王母 兵書曰兩敵相望其雲氣如牛馬狀頭低尾仰名曰天狗勿與戰 荊州占曰天狗犯弧星大將有千里之行若貴人多死

天殘二十八

河圖曰太白之精散為天殘 春秋緯曰天殘主貪殘 卒起二十九

河圖曰太白之精散為卒起 河圖曰卒起見禍無時

諸變有萌者臣運柄 河圖曰卒起主虐亡河少陰之
精大司馬之類白虎七宿之域有謀反若戾虐為害主
失秋政者期如上占禍應之

枉矢三十

河圖稽曜鉤曰辰星之精散為枉矢 荊州占曰填星
之精變為枉矢 春秋運斗樞曰幾星散為枉矢 說
苑曰枉矢之星盈縮之所生也 鴻範五行傳曰枉矢
者弓弩之象也枉矢之所觸天下之所伐滅亡之象也

巫咸曰枉矢類大流星色蒼黑蛇行望之如有毛目
長數丈著天 春秋合誠圖曰枉矢主反萌黑彗分為
枉矢枉矢者射星也水流蛇行含明故有毛目陰合於
四故長四又水生木其怒青黑水滅火其精沉故以為
謀反之徵在所流受者滅皆為天子之詳陰道於六期
六年萌二十四年天子以兵亡所已議見起 春秋緯
曰枉矢主射愚又曰枉矢流射所謀 河圖曰枉矢東
流天下恐洛書曰枉矢出夏桀滅 尚書中候曰夏桀

無道枉矢射 河圖真紀鉤曰人君邪暴專已則枉矢
動 洛書說徵示曰枉矢射心山崩火燔宮雉書雉罪
級曰枉矢射主以兵去 易緯辨終備曰枉矢流隱謀
合國雄逃 詩緯曰枉矢流天降喪亂 詩緯含神務
曰白之亡枉矢流 尚書運期授曰白之亡也枉矢射
參 尚書緯曰枉矢流天射王 春秋緯曰黃之亡有
枉矢下流到地上屬天下以兵亡天子凶 春秋緯曰
枉矢芒臣不忠民不良 春秋緯曰枉矢或東或西五

穀不升民流亡

春秋潛潭巴曰枉矢或南或北無聚

衆伐敵國

春秋潛潭巴曰枉矢守虛卑國以實尊國

虛

春秋潛潭巴曰枉矢守填星民多事其大芒也黃

德昌春秋潛潭巴曰枉矢黑軍士不勇疾流腫 春秋

緯運斗樞曰枉矢出射所誅

春秋運斗樞曰黃帝行

失則枉矢出射所謀謀易失樞之主故以枉矢射之

春秋考異郵曰枉矢見則謀反之兵合考異郵曰枉矢

而流射伐秦以亡

春秋漢含孳曰枉矢流主見射

春秋佐助期曰枉矢流射黜滅不詳 孝經鉤命決曰

亂蔣蔣枉矢出 孝經援神契曰枉矢射匿謀強 論

語摘輔像曰虛王反度則枉矢合 海中占曰枉矢類

流星望之有毛目長可一疋布皎皎著天見則大兵起

大將出弓弩用期三年 石氏曰枉矢射心地陷備虛

狼 郝萌曰枉矢出東井邊境起兵火災並行受者備

火盜賊 說苑曰秦二世立枉矢夜光 郝萌曰枉矢

射參秦以亡一曰帝亡 班固天文志曰枉矢所觸天

下之所伐射滅亡之象也

按宋書天文志曰晉元帝大興三年四月壬辰枉矢出虛

危沒翼軫永昌元年三月王敦率江荆之衆來攻京都六軍距戰敗績於是殺護軍將軍周顗尚書令刁協驃

騎將軍戴弼又鎮北將軍劉琨出奔四月又殺湘州刺史譙王承鎮南將軍甘卓閏十一月元帝崩間一年敦

亦梟枉矢之應

班固天文志曰枉矢流以亂伐亂

按宋書天文志曰晉

元康六年六月丙午夜有枉矢在斗魁東南行是後趙王殺張華廢賈后以理太子之寃遂自縊以至屠城光

熙元年五月枉矢西南流是時司馬越西破河間奉迎大駕尋收繆盾和緩等肆其無君之心天下惡之及死

而石勒焚其屍柩也

班固天文志曰項羽救鉅鹿枉矢西流占

曰枉矢所觸天下之所伐射滅亡象也物莫直於矢今

蛇行不能直矢而枉者執矢者亦不正以象項羽執政
亂也羽遂合從坑秦人屠咸陽 司馬彪天文志曰孝
靈中平中夏流星赤如火長三四尺起河鼓入天市抵
觸宦者星色白長二三尺後尾再屈食頃乃滅狀似枉
矢占曰枉矢流發其官射所謂矢當直而枉者操矢者
邪枉人也中平六年大將軍何進謀盡誅中宦中宦覺
於省中殺進俱兩破滅天下由此遂大壞亂

破女三十一

河圖曰辰星之精散為破女 河圖曰破女見羣臣皆
誅 河圖曰破女主勝之符

拂樞三十二

河圖曰辰星之精散為拂樞 河圖曰拂樞動亂駭擾
無調時 河圖曰拂樞主制時

滅寶三十三

河圖曰辰星之精散為滅寶 河圖曰滅寶起相得之
河圖曰滅寶主伐之

繞紕三十四

河圖曰辰星之精散為繞紕 春秋緯曰繞紕主亂孽

驚悝三十五

河圖曰辰星之精散為驚悝 河圖曰驚悝主相署

大奮祀三十六

河圖曰辰星之精散為大奮祀 河圖曰大奮祀主招

邪 韓楊曰大奮祀出主安之 河圖曰太陰之精玄

武七宿之域有謀反若恣虐為害主失冬政者期如上

占禍應之 春秋緯曰五精潛潭皆以類逆所犯行失時指下臣承類者乘而害之皆滅亡之徵也入天子宿主滅諸侯五伯謀

天鋒三十七

宋均曰天鋒彗象矛鋒者也 春秋合誠圖曰天鋒主從橫 宋均曰天下橫從則天鋒星見洪範五行傳曰漢昭帝始元元年鋒星出西方出天市東門行過河鼓入營室中占曰有亂臣戮死後左將軍上官桀子驃騎

將軍安與燕王謀反誅死

燭星三十八

石氏曰燭星狀如太白其出也不行則見不久而滅

孟康曰燭星上有三彗上出 石氏曰燭星所出邑反

廿氏曰燭星出東方其所出者兵不勝出南方有兵

王者亡地出西方其國有喪兵勝出北方其所出者兵

勝 天官書曰燭星所燭者城邑亂 荊州占曰燭星

所出有大盜不成 荊州占曰燭星青有憂事不吉亦

有華事黃蓋地白有歡事

班固天文志曰孝昭五年

四月燭星見奎婁間占曰有土功胡人死邊城和六年

築遼東玄菟郡二月度遼將軍范明友擊烏丸還

蓬星三十九

荊州占曰蓬星一名王星狀如夜火之光多即至四五
少即一二一曰蓬星在西南脩數丈左右銳出而易處
聖洽符曰有星其色黃白方不過三尺名曰蓬星見
則天下道術士當有出者布衣之士貴天下太平五穀

成人民寧期一年遠二年 甘氏曰蓬星出北斗諸侯
有奪地以地亡有兵起星所房者期不出三年 郝萌
曰蓬星出太微中天子立王期不出三年 班固天文
志曰漢昭帝始元中漢宦者梁成恢及燕王侯星者吳
莫如見蓬星出西方天市東門行過河鼓入營室中
恢曰蓬星出六十日不出三年下有亂臣戮死於市

班固天文志曰孝景中三年六月壬戌蓬星在
房南去房可二丈大如二斗器色白癸亥在心東北可

長丈所甲子在尾北可六丈丁卯在箕北近漢稍小且
去時大如桃壬申去凡十日占曰蓬星出必有亂臣房
心間天子宫也是時梁王欲為漢嗣使人殺漢諍臣袁
盎漢誅梁大臣斧鉞用梁王恐懼布車入闕伏斧鉞謝
罪然後得免 荊州占曰蓬星出北斗魁中王者坐賊
死若大臣諸侯有受誅者荊州占曰蓬星出見於東方
東南東北不大旱則大水五穀不收糴貴十倍人相食
荊州占曰蓬星出司命王者疾死 何法盛中興書

曰晉孝武太元二十年九月有蓬星如粉絮東南行歷女虛危至哭星明年而烈宗崩韓楊曰蓬星出北斗中大臣諸侯有受兵者

長庚四十

司馬遷天官書曰長庚如一疋布著天

此長庚非詩所謂西有長庚者

司馬遷天官書曰長庚見則兵起

四填四十一

巫咸曰四填星出陽去地六丈餘

司馬遷天官書曰

四填出地可四丈 荊州占曰四填星大而赤去地二丈當以夜半子時出 荊州占曰四填星見十月而兵起又曰四填星見四隅皆為兵起其下

地維藏光四十二

黃帝占曰地維藏光者五行之氣出於四季土之氣也 荊州占曰有星出大而赤去地二三丈如月始出是謂地維藏光 黃帝占曰四隅有星望之可去地四丈而赤黃搖動其類填星是謂中央之野星出於四隅名

曰地維藏光出東北隅天下大水出東南隅天下大旱
出西南隅則有兵起出西北隅則天下亂兵大起天
官書曰地維藏光見下有亂者亡有德者昌

女帛四十三

黃帝占曰女帛者五星氣合之變出東北水水氣合也
石氏曰東北有星長三丈而出水水氣交名曰女帛
見則天下兵起若有大喪 荊州占曰東北有三丈星
出名曰女帛女帛出天下有大喪

盜星四十四

黃帝占曰盜星五星氣合之變出東南木火氣合也

石氏曰東南有星長三丈而出木火氣交名曰盜星

荊州占曰東南有三星出名曰盜星見則天下有大盜
多寇賊

積陵四十五

黃帝占曰積陵者五星氣合之變出西北金水氣合也

石氏曰西南有星長三丈而出

荊州占曰有三星乃大星出

金水

氣交名曰積陵見則其下墮霜兵水並起五穀不成人

民飢

荊州占曰天下穀十倍

瑞星四十六

黃帝占曰瑞星者五星氣合之變出與金木水火合於四隅也 石氏曰四隅有星大而赤察之中黃數動長可四丈此土之氣効於四季名曰四隅瑞星所出兵大起有土功正月出十月起兵二月出十一月起兵三月出七月起兵四月出九月起兵皆期三年中五年遠七

年

昏昌四十七

黃帝占曰有星出西北氣青赤以環之中赤外青名曰昏昌見則天下兵起國易政先起者昌後起者亡高十丈亂一年高二十丈亂二年高三十丈亂三年

華星四十八

甘氏曰有星出西北狀如有環名之曰華星華星見西南諸侯有失地西北國

白星四十九

郝萌曰有如星非星狀如削瓜有勝兵名曰白星白星出為男喪

菟昌星五十

石氏曰西北菟昌之星其有青赤環之有殃青為水此星見天下易

格澤五十一

黃帝占曰格澤者炎火之狀

天官書曰格澤星也

上黃下白從地

而上下大上銳見則不種而獲

天官書曰不有土功必有大客至

必有

大客鄰國來者期一年遠二年

廣雅曰格澤妖氣也

玉歷曰格澤氣赤如火炎炎中天上下同色東西絙

天若於南北長可四五里此熒惑之變見兵起其下伏

尸流血期三年 史記天官書曰格澤星者如炎火之

狀黃白起地而下大上銳其見也不種而獲不有土功

必有大客

歸邪五十二

巫咸曰如星非星如雲非雲名曰歸邪

李奇曰邪音蛇
孟康曰有兩赤

彗上向上有蓋
狀如氣下連星

司馬遷天官書曰歸蛇見必有歸國者

濛星五十三

蕭子顯晉書曰明帝大明三年十二月夜有赤氣如牙

旗長短四面西南最多

按天文占此為濛星
一曰刀星亂之象

大興末及

此再見王敦蘇峻之禍其應切矣 宋書天文志曰宋

孝武大明三年正月夜通天薄雲四方生赤黃氣長三

尺乍沒乍見尋皆消滅占曰名濛星一曰刀星天下有

兵戰闕流血時南兗州刺史竟陵王誕尋據廣陵反遣
車騎大將軍沈慶之領羽林勁兵及豫州刺史宗穀徐
州刺史劉道降衆軍攻戰及屠城城內男女道降梟斬
靡遺七年正月夜又通天薄雲四方合有八氣蒼白色
長二三尺乍見乍沒亦名曰濛星一名刀星占曰天下
有兵後二年帝崩大臣將相誅滅皇子被害昭太后崩
四方兵起公遣諸軍推鋒外討

唐開元占經卷八十六

欽定四庫全書

唐開元占經卷八十七

唐瞿曇悉達撰

孝經雌雄圖三十五妖星占下

天垣一

天垣星在角宿中出月左方日在甲寅歲星將出而不
出其與日合二十日其未出二日必有災雲蒼赤黑色
三物厭日之光青色之星有兩青方在其旁出而生天

垣之星所指之國消主死政星變色而青期三年

天樓二

天樓星

在亢宿中

出月左方日在甲寅歲星將出而不出其

與日合三十日其未出三日必有災雲蒼赤黑色三物

厭日之光青色之星有兩青方在其旁出而生天樓之

星長八十尺

一本八丈

所指之國穀糴大貴法星變色而青

期三年

天棣三

天棣星

在氐宿中

出月左方日在甲寅歲星將出而不出其

與日合四十日其未出四日必有災雲蒼赤黑色三物

厭日之光青色之星有兩青方在其旁出而生天棣星

一本長十丈

所宿之國有立王

一本云地

令星變色而青期三年

首若四

首若

一本真若

星

在房宿中

出月左方日在甲寅歲星將出而不

出其與日合五十日其未出五日必有災雲蒼赤黑色

三物厭日之光青色之星有兩青方在其旁出而生首

若之星六七尺

一本六丈

所指之國亡地煞星變色而青期

二年或三年

天荆五

天荆星

在中心宿中

出月左方日在甲寅歲星將出而不出與

日合六十日其未出六日必有災雲蒼赤黑色三物厭

日之光青色之星有兩青方在其旁出而生天荆之

星所指之國亡戰不勝主死伐星變色而青期三年

天根六

天根星

在尾宿中

出月左方日在甲寅歲星將出而不出其

與日合七十日其未出七日必有災雲蒼赤黑色三物
厭日之光青色之星有兩青方在其旁出而生天根之
星所指之國大亡地戰敗星變色而青期三年

天槍星七

天槍星

在箕宿中

出月左方日在甲寅歲星將出而不出其

與日合八十日其未出八日必有災雲蒼赤黑色三物
厭日之光青色之星有兩青方在其旁出而生天槍之

星長數丈所指之國有兵大軍破應星變色而青期一年

端下八

端下星

在斗宿中

出月左方日在壬寅辰星將出而不出其

與日合二十日其未出二日必有火雲黑黃青色三物

厭日之光黑色之星有兩黑方在旁出而生端下之星

所指之國大破將死政星變色而黑期六月

一本云或十二月一

月

商若九

商若

一本云天萬

星

在牛宿中

出月左方日在壬寅辰星將出而

不出其與日合二十五日其未出二日必有災雲

黑黃青色三物厭日之光黑色之星有兩黑方在其旁
出而生商若之星長三四尺所指之國大水敗兵起法
星變色而黑期一年

天杵十

天杵

一本云天林

星

在女宿中

出月左方日在壬寅辰星之變而

不出其與日合三十六日其未出三日必有災雲黑黃青色三物厭日之光黑色之星有兩黑方在其旁出而生天杵之星長七八尺所指之國軍破將死令星變色而黑期一年

天麻十一

天麻星

在虛宿中

出月左方日在壬寅辰星將出而不出其

與日合三十五日其未出五日必有災雲黑黃青色三物厭日之光黑色之星有兩黑方在其旁出而生天麻

之星長七八尺

一本云四五尺

所指之國破亡煞星之變色而

黑期六月

天杖十二

天杖

一本天社

星

在危宿中

出月左方日在壬寅辰星將出而不

出其與日合四十日其未出四日必有災雲黑黃青色三

物厭日之光黑色之星有兩黑方在其旁出而生天杖

之星長十餘丈勾曲所指之國兵主死伐星變色而黑

期二年

天攬星十三

天攬星

在室宿中

出月左方日在壬寅辰星將出而不出其

與日合四十五日其未出四日必有災雲黑黃青色三
物厭日之光黑色之星有兩黑方在其旁出而生天攬
之星長五六尺所指之國破亡危星之變色而黑期三
年

天英十四

天英星

在壁宿中

出月左方日在壬寅辰星將出而不出其

與日合五十日其未出五日必有灾雲黑黃青色三物
厭日之光黑色之星有兩黑方在其旁出生天英之
星長一十丈所指之國軍破亡地應星變色而黑期三
年

白舊十五

白舊星

在奎宿中

出月左方日在庚寅太白將出而不出其

與日合十日其未出一日必有灾雲白赤黑色三物厭
日之光白色之星有兩白方在其旁出生白舊之星

所指之國亡地主死政星變色而白期一年

星十六

星

在婁宿中

出月左方日在庚寅太白將出而不出其與日合

二十日其未出二日必有灾雲白赤黑色三物厭日之光白色之星有兩白方在其旁出而生星所指之國亡必有大喪有水災法星變色而白期一年

冀星十七

冀

一本牆星

星

在胃宿中

出月左方日在庚寅太白將出而不出

其與日合三十日其未出三日必有災雲白赤黑色三
物厭日之光白色之星有兩白方在其旁出而生彗星
長十餘丈一本
文餘所指之國內亂令星變色而白期一年

林若十八

林若

一本
作替

星

在昂
宿中

出月左方日在庚寅太白將出而不

出其與日合四十日其未出四日必有災雲白赤黑色

三物厭日之光白色之星有兩白方在其旁出而生林

若之星長十餘丈

一本
七尺

所指之國破亡死喪煞星變色

而白期一年

若彗十九

若彗星

在畢宿中

出月左方日在庚寅太白將出而不出其

與日合五十日其未出五日必有災雲白赤黑色三物

厭日之光白色之星有兩白方在旁出而生若彗之星

長七八尺所指之國內亂亡地伐星變色而白期三年

彗星二十

彗星

在胃宿中

出月左方日在庚寅太白將出而不出其與

日合六十日其未出六日必有灾雲白赤黑色三物厭
日之光白色之星有兩白方在其旁出而生彗星長四
尺所指之國內亂亡地危星變色而白期六月

一本
六年

若星二十一

若星

在參
宿中

出月左方日在庚寅太白將出而不出其與

日合七十日其未出七日必有灾雲白赤黑色三物厭
日之光白色之星有兩方在其旁出而生若星所指之
國大敗戰不勝應星變色而白期二年

蚩尤二十二

蚩尤星

在井宿中

出月左方日在丙寅熒惑將出而不出其

與日合三十日其未出三日必有災雲赤青黃色三物

厭日之光赤色之星有兩赤方在其旁出而生蚩尤之

星長十七丈

一本丈餘

其下有大戰政星變色而赤期二年

赤若二十三

赤若

在鬼宿中

出月左方日在丙寅熒惑將出而不出其與

日合四十日其未出四日必有災雲赤青黃色三物厭

日之光赤色之星有兩赤方在其旁出而生赤若之星
其下有死亡流血戰敗法星變色而赤期二年

天雀二十四

天雀

一本赤雀
在柳宿中

出月左方日在丙寅熒惑將出而不出

其與日合五十日其未出五日必有災雲赤青黃色三
物厭日之光赤色之星有兩赤方在其旁出而生天雀
之星所指之國敗亡令星變色而赤期三年

天惑二十五

天惑

在星宿中

出月左方日在丙寅熒惑將出而不出其與

日合六十日其未出六日必有災雲赤青黃色三物厭

日之光赤色之星有兩赤方在其旁出而生天惑之星

三角

一本云四角

長三尺下旱有兵起所指之國亡煞星變

色而赤期一年遠二年

官張二十六

官張星

在張宿中

出月左方日在丙寅熒惑將出而不出其

與日合七十日其未出七日必有災雲赤青黃色三物

厭日之光赤色之星有兩赤方在其旁出而生官張之星三角而勾所指之國主死伐星變色而赤期一年

晉若二十七

晉若之星

在翼宿中

出月左方日在丙寅熒惑將出而不出

其與日合八十日其未出八日必有災雲赤青黃色三物厭日之光赤色之星有兩赤方在其旁出而生晉若之星所指之國破亡危星變色而赤期三年若四年

天陰二十八

天陰星

在軒宿中

出月左方日在丙寅熒惑將出而不出其

與日合九十日未出九日必有災雲赤青黃色三物厭

日之光赤色之星有兩赤方在其旁出而生天陰之星
所指之國亡應星變色而赤期三年

折若二十九

折若

一本云彗

出月左方日在戊寅填星將出而不出其與

日合四十日其未出四日必有災雲黃赤青色三物厭
日之光黃色之星有兩黃方在其旁出而生折若之星

長五尺所指之國亡政星變色而黃期六年遠九年

天拂三十

天拂星出月左方日在戊寅填星將出而不出其與日合五十日其未出五日必有災雲黃赤青色三物厭日之光黃色之星有兩黃方在其旁出而生天拂之星所指之國兵法星變色而黃期三年

天翟三十一

天翟星出月左方日在戊寅星將出而不出其與日

合六十日其未出六日必有災雲黃赤青色三物厭日之光黃色之星有兩黃方出其旁而生天翟之星四角而勾中央有星長四尺五尺所指之國小敗令星變色而黃期二年或三年

天樞三十二

天樞星出月左方日在戊寅填星將出而不出其與日合七十日其未出七日必有災雲黃赤青色三物厭日之光黃色之星有兩黃方在其旁而出生天樞之星三

角而勾所指之國戰敗煞星變色而黃期一年或二年

天從三十三

天從星出月左方日在戊寅填星將出而不出其與日合八十日其未出八十日必有災雲黃赤青色三物厭

日之光黃色之星有兩黃方在其旁出而生天從之星

長六七尺

一本云七八尺

所指之國亡伐星變色而黃期二年

或三年

天罰三十四

天罰

或作戊

星出月左方日在戊寅填星將出而不出其

與日合九十日其未出九日必有災雲黃赤青色三物

厭日之光黃色之星有兩黃方在其旁出而生天罰之

星所指之國中見大敗危星變色而黃期二年或五年

天社三十五

天社


一本天上

星出月左方日在戊寅填星將出而不出其

與日合一百日其未出十日必有災雲黃赤青色三物

厭日之光黃色之星有兩黃方在其旁出而生天社

之星天下大亂所指之國亡應星變色而黃期一年



唐開元占經卷八十七

欽定四庫全書

子部

唐開元占經卷八十八

九

詳校官中書_臣李杲

靈臺郎_臣倪廷梅覆勘

總校官編修_臣王燕緒

校對官中書_臣王慶長

謄錄監生_臣錢雋選

欽定四庫全書

唐開元占經卷八十八

唐

瞿曇悉達撰

彗星占

候彗字法一

黃帝占曰候彗星之法當以五寅之日視麓水中見兩
方氣在日旁則彗將出矣其與北斗之星各有所主乃
視氣之五色相象而定之其彗星之出以寅日見日旁

有青方氣在日旁此歲星之精將欲為彗以寅日見赤
方氣在日旁此熒惑之精將為彗各以五色氣候之是
則五星將欲為彗之變先見其氣後見其彗彗星見而
長天子死五都亡賤人昌無道之君受其殃期不出三
年石氏曰候彗灾應之法各以十二辰所出之地各
屬相連衝破之下當有兵誅假令彗星出室壁而依戌
地奎本魯分室壁衝分衝於寅尾箕燕分破於辰角亢
鄭分明魯有兵誅於此國他皆倣此巫咸曰歲星行

東行南六十日不還以初去日六月彗星出東北六十
日不還以初去日六月梣星出西北六十日不還以初出日六月攬
星出西南六十日不還以初去日六月搶星出乍東乍
西乍南乍北天狗出必有兵革 巫咸曰辰星出四季
彗星出 郝萌曰太白與日共合同舍七十日生彗星
郝萌曰熒惑守箕三月彗星出 荊州占曰歲星逆
行過度宿者則生彗星一曰天梣二曰天槍三曰天攬
四曰第星此四者皆為彗 陳卓占曰熒惑守心期三

十日彗星出 陳卓曰填星守熒惑期三十日彗星出
齊伯曰填星出入以舍斗五十日不下彗星出

彗字名狀占二

春秋文耀鉤曰辰星散為茀說苑曰攬搶彗梃皆五星
盈縮之所生 荊州占曰彗星者君臣失政濁亂三
光五逆錯變氣之所生也 呂氏通紀曰彗星者天地之
之旗也 淮南鴻列曰彗星者天之忌也 春秋演孔
圖曰海精死彗星出 春秋考異郵曰鯨魚死彗星合

淮南子曰彗星出宋均曰春秋考異郵曰臣之恣地動是將有兵相煞之祥也

星孛

京房曰君為禍則彗星出

鄭玄曰彗星主掃除

石氏曰凡彗星有四名一名孛星二名拂星三名掃星四名彗星其狀不同為殃如一其出不過三月必有破國亂君伏死其辜餘殃不盡當為飢旱疾疫之灾其星日行一尺二十日而入此彗星之行也

文穎注漢

書曰孛彗長三星其占略同然其形象小異孛芒短其光四出蓬蓬孛孛也彗其光芒長參參如掃彗長星其

光芒有一直指或竟天或十丈或一二丈無常也大法

孛彗星多為除舊布新改易君上亦為火災長星多為

兵革

史記淮南王傳曰建元六年彗星見淮南王安心
恠之或說王曰先吳軍起時彗星長數尺然尚流血

千里令彗星長竟天天下兵當大起王心以為上無
子天下有變諸侯並爭愈益治攻戰具遂謀反

黃帝

占曰彗星出見本類星長可二三尺其炎如氣黃白孛

孛然名孛星見則天下兵起臣謀其主必有亡國期不

出三年黃帝占曰彗星出見本類星長可一丈其炎

頭散下垂狀如毛拂名曰拂星見則天下亂兵大起強

臣有謀有走主其君失地近一年中三年遠五年黃
帝占曰彗星出見可二丈至三丈形如竹木枝條名曰
掃星三丈已上至十丈名曰彗星彗掃同形長短有差
殃災如一見則掃除凶穢必有滅國臣弑其君大兵起
國易政無道之君當之期三年中五年遠九年石氏
曰掃星者逆氣之所致也枝條長短如彗星之形出居
二十八宿及中外官三日七日或三十日或五十日常
不滅彗孛出而即滅掃除凶穢除故布新故言掃星

董仲舒曰彗星者彗星之屬也 偏指曰彗芒氣四出

曰孛孛者孛孛然也謂之孛者言其暗昧不明之貌也

一說云孛即彗也彗星所敝為孛春秋言星孛者皆

彗敝也

按史記曰齊景公三十二年彗星見景公坐柏寢歎曰堂堂誰有此乎羣臣皆泣晏子笑公怒

晏子曰臣笑羣臣諛甚景公曰彗星出東北當齊分野寡人以憂晏子曰君高臺深池賦歛如弗得刑罰恐弗

勝孛星將出彗星何懼乎公曰可禳否晏子曰使神可祝而來亦可禳而去也百姓苦怨以萬數而君令一人

禳之安能勝衆口乎推此言則孛之為灾踰於彗也

劉向鴻範傳曰孛星者非

孛星惡氣之所生也內不有大亂則外有大兵其所以

孛孛曖曖者亂之象也不明之表又參然孛焉兵之類也故聖人名曰孛孛者猶有所妨蔽有所傷害也 荆州占曰彗星其象如竹彗樹木枝條長短無常 黃帝占曰彗星出行犯守外舍當先知逆順入宿深淺去之遠近久速觀其五色察其動靜及以喜怒揚變色昏為殃咎守之去速災輕守之久災重各隨所在之宿命其國以占吉凶 黃帝占曰彗孛所干歷百日以上期三年百五十日以上期五年二百日以上期七年 黃帝

占曰彗星出見其國大人亡見一旬期三月十日見三十日將當之期三年見五十日相當之期五年見七十日人主當之期七年若九年災必應 春秋緯曰諸彗內官皆為內謀曝骨將死尸滿谿血流千里出外宿不加內官禍小起 巫咸占曰彗星入列宿中外者各以其所部舍官名為其事所之者為其謀其下之國皆受其禍以所守之舍為其期以五氣相賊者為其決

海中占曰彗長五尺以至一丈期三月若十月一丈以

至三丈期三年三丈以至五丈期五年五丈以至十丈期七年十丈以上期九年 荊州占曰彗星見久災深

大其短淺為災小 黃帝占曰彗星者所以除舊布新

掃滅凶穢其象若竹彗樹木枝條長大而見則災深期

遠短小而見則災淺期近皆為兵飢水喪亡國之殃

按班

固天文志始皇之時十五年間彗星四見久者八十日長或竟天後秦遂以兵內兼六國外攘四夷死人如亂

麻

韋昭洞紀曰洛書兵鈴勢曰彗星出野骨捐 春

秋演孔圖曰彗星出則國樞蹶演孔圖曰彗星東出長

八丈天下更政春秋文曜鉤曰彗星孛填街塞路九州粉擊庶人為主春秋運斗樞曰彗星見後曲象旗則王者伐狂逆春秋運斗樞曰星之孛臣威孽兵粉擊滅國謀春秋保乾圖曰星孛脩強圉黜臣所欲又曰星孛兵變石氏曰彗星出而長名曰白旗喪氣也當視旗之所指所掃衝破之下必有兵喪其國滅亡大人受殃各以衝互為期前互為近期衝破為中期後互為遠期皆不過五七九灾必應石氏曰掃出狀如上

鳥赤色此謂有憂黑者羣臣有賊掃所在之下主亡國
石氏曰掃出狀如小木長三丈其本有黑二三丈其
本有赤見居四維此謂為謀其歲兵發石氏曰掃出
狀如直竹長二三丈其尾銳白色此謂天下喪天子死
亡國朝不慶諸侯亡石氏曰掃出狀如直竹長二三
丈赤色尾銳此謂出急令兵戰以見諸侯不德石氏
曰掃出諸侯誅皆在其國受殃指亦然石氏曰蓬掃
出見者飢有兵亡地四方蓬掃出其狀如太白蓬長三

丈指樂掃見兵起大亂蕞掃見者禾稼就蒲掃見兵起於境上軍戰不勝杵掃出大將起反人主凶竹掃見為兵 甘氏曰彗第見則女主有用事者其本為主人 甘氏曰彗掃水之精出則不過一年天下水及有飢星所在宿其邦尤甚 甘氏曰彗星春夏出為飢水秋冬出為人主自將兵若大喪又曰冬春見為小凶夏秋為大凶 甘氏曰彗星其枝條長為兵為喪短為水為飢其見一旬期三月 京房曰彗星出為飢兵臣下失中

和故出彗掃除之

按韋昭洞紀曰漢安帝三年彗星見四年勃海鮮卑磨懷反掠遼東三縣

地平原賊起攻官寺長吏西羌匈奴侵邊又旱也

劉向鴻範傳曰彗星者天所

以去無道而建德也

按春秋左氏傳曰昭公二十六年齊有彗星齊侯使禳之晏子

曰無益也祇取誣焉天道不誦不貳其命若之何禳之且天之彗也以除穢也君無穢德又何禳焉若德之穢禳之何損乃止

郝萌曰彗星短為飢為兵向下為土功所見之邦當

之 荊州占曰彗星昏見其國受兵一日必亡國滅軍

不然必有死主

按晏子曰春秋曰景公謂晏子曰寡人聞彗星出其所向之國當之今彗星向

吾國我是以悲晏子曰君穿池欲深廣為臺欲高大誅戮如仇讐又將出彗星寧可拒乎公乃填陂池滅臺榭

薄賦歛緩刑罰三十七日彗星亡矣韋昭洞紀曰周貞定王七年彗星見八年貞定王崩周元王二年彗星見其年魯哀公卒幽明錄曰晉太元木長星見孝武心惡之夜在華林園中飲酒因舉杯屬星曰長星勸爾一杯酒自古亦何時有萬歲天子耶帝亦尋崩也

荆州占彗星出必有反者兵大起其國亂亡一日不出一歲天下大水其邦尤甚 荆州

占曰彗星見則敵國兵起得人者勝

按尉繚子曰昔楚將軍城父子公子

心與齊人未合戰其日夜彗星出柄在齊柄之所在勝不可擊子心曰彗星何衝以彗闕者周知而列之明日與齊人戰大破之 玉歷曰彗星出見是謂天地相靡其分受兵

必有亡國若有死主期不出三年

按韋昭洞紀曰周赧王十年十二年十九年彗

星見後秦取周之地彗星之應也

巫咸占曰彗星有出者皆是五星

之象以其所出宿以命五行所屬之象出於木宿歲星之象出於火宿熒惑之象出於土宿填星之象出於金星太白之象出於水宿辰星之象見於二十八宿中外官變色揚芒怒而與五星合闕此皆大兵之衝破國之殃臣凌其君下不伏上天下不順故致此灾審以五色察之决知存亡之事海中占曰凡彗有色白黑為男主赤黃為女主皆為人君女主死之之殃河圖曰蒼

彗主滅不義少陽之精司徒之類蒼龍七宿之域有起
反若恣虐為害主失春政者以出時衝為期昏主君之
敗也大人滅 春秋緯曰蒼彗木精出見而生芒主逆
陽失天常則日蝕明消此星出期三年五侯破天子若
兵 春秋緯合誠圖曰蒼彗破神明 河圖曰黑彗主
涿州太陰之精玄武七宿之域有謀反若恣虐為害主
失冬政者期如上占禍應之入天子之宿主滅諸侯位
五伯謀 春秋緯曰彗水精賊起則水決江河期二年

其出赤世以水害亡水害者以類發難也近四遠八以
其禍行 河圖曰白彗主斬強少陰之精大司馬之類
白如上占禍應之 春秋緯曰白彗金精如鋒及長四
丈見則將軍逆期二年兵作 春秋合誠圖曰白彗主
臣權一曰專權 河圖曰赤彗主滅五卿太陽之精也
朱鳥七宿之域有謀反若恣虐為害主失夏政者期如
上占皆類名之 河圖曰赤彗火精如火耀長七尺賊
起強圖恣虐期三年 春秋合誠圖曰赤彗滅五卿

河圖曰黃彗主女亂皆土精斗七星之域以張四方八卦之內司空之類有謀反若恣虐為害者期如上占

春秋緯曰黃彗如正見

一本云如重雲

則主女害妃嬪有以色

擢上奪於后妃期一年彗星孛見于四方黃帝占曰

彗星出東方諸侯有起霸者若有兵飢

按韋昭洞紀曰漢武元狩三年

春有星孛於東方匈奴入右北平定襄然掠數千人後元二年七月有星孛於東方冬匈奴入朔方然掠人民

吳志曰嘉禾五年十月彗星見東方都陽賊彭旦等為亂晉朝雜事曰武帝太康二年九月彗星見東方十一

月鮮卑磨懷反掠遼東三縣地河圖曰彗星出東方河逆決將相代主

有與天子並治者

按古洪範天文星辰變占魯哀公十三年冬十一月有星孛於東方其後

楚滅陳國田氏篡齊六卿分晉也

易坤靈圖曰彗星自東方出蒼萌動

功 春秋緯曰彗星出東方爭明光見金代蒼北皆天

子之異大小之類各應其邦春秋感精符曰星孛於東

方言陰奪陽臣代主以兵相滅以勢相乘天下變易帝

位久空人人傲倖布衣縱橫禍未定息主滅亂起陰動

爭明之異也

按韋昭洞紀曰漢武建元六年八月有星孛於東方長竟天門後越王邪攻南越趙

王恢擊之未至越人殺邪

春秋運期授曰蒼帝亡也大國亂彗東出

春秋保乾圖曰彗星出東君臣爭明 春秋緯曰星

弗於東方將軍謀主主兵去代主治行天子之權 巫

咸曰彗星出東方其下發兵與天子爭人主亡 京房

曰星孛於東則骨肉欲篡近北邊國入于西則兵大起

蠻貊戰經東西方民病不救之則致日蝕既下謀 荆

州占曰彗星出東方將軍有謀人主者 黃帝占曰彗

星出北方將軍有謀欲代其主若臣行不順而致

洪範天文

星辰變占曰漢武建元六年六月有 易坤靈圖曰彗星

星孛於北方及淮南王安反服誅

自北方出色黑動功

春秋緯曰彗掃星出北方諸

侯起霸 郝萌曰彗星出北方長八九丈名勉功勉功出

天下更致 石氏曰掃在北狀如雞聖人受兵強國發

兵諸侯爭權人主凶 黃帝占曰彗掃第出西方天下

有兵夷狄大勝中國大敗

按宋書天文志曰晉成帝咸和四年七月星孛於西北二

十三日減十二月郭默殺江州刺史劉楨荆
州刺史陶侃討默明年斬之石勒又始僭號

易坤靈

圖曰彗星自西方出白萌動功

春秋運斗樞曰彗星

出西方如鉤長可四丈名曰天攬

晉書曰彗星出西

方長可二三丈名曰天槍受之者其國方有土功 洪
範天文星辰變占曰漢宣帝地節元年正月有星孛於
西方去太白二丈所占曰太白為大將軍彗孛加之掃
滅象也明年大將軍霍光薨後二年光家夷滅 荊州
占曰彗星出西方命曰天棊 黃帝占曰彗掃星出南
方天下大亂無有君上兵飢並起 易坤靈圖曰彗星
自南方出赤萌動功 石氏曰彗星出東南其本類星
末類彗長可二三丈至一丈名曰天槍受之者其國內

亂兵起宮中王者憂之 甘氏曰彗星出東南方狀第
長一丈所受之者其國有喪內亂 甘氏曰彗掃東東
南國大人死七十日主當之五十日相當之四十日將
當之 荊州占曰彗星出東南長二丈以上為其國內
亂 春秋運斗樞曰彗星出東北名曰天棊 石氏曰
彗星出東北其本類星末類彗長可四五尺若一丈名
曰天攬受之者其國有戮死者大臣貴人當之 甘氏
曰掃星見東北名曰天棊受之者其國君有戮 石氏

曰彗星出西北本類星末類彗長可四五尺至一丈名曰天棊受之者大亂兵大起若女主有憂有大水其年民飢巫咸曰彗星出西北如鉤長可四五丈名曰天撓受之者國內亂荊州占曰彗掃出西北其本類星

末類彗長三丈以上其內亂

按魏志曰母丘儉為鎮東都督曰與楊州刺史文欽

善正元二年正月有彗星數十丈西北竟天起於吳楚之分儉欽喜以為己祥遂矯太后詔罪狀大將軍司馬

景王移諸郡國降兵大反

石氏曰彗星出西南本類星末類彗長

可二三丈名曰掃星受之者其國兵大起將相有死者

邦易政人主有憂

按韋昭洞紀曰漢景二年有星孛於西南四月壬午太后薄氏崩也

石氏曰掃出西南有本類星末類彗長三丈以上其國

有土功

春秋緯曰彗星出中央正在人上

一本長命四丈也

曰天罰受者國有喪

石氏曰彗星出中央正在人上

其本類星末類彗星長可五六尺至一丈名曰天戈天

下兵也人主亡受者其國有大喪人民飢亡凡五彗出

見皆期三年中五年遠七年九年

荊州占曰彗星

見中央正出人上長三四丈以上其國內喪魏氏圖

曰筭星東去西南指海中兵起欲敗中國也西去而東指羗胡入界煞人灾也南去而北指者天下人死半邦也北去而南指天下水沒城郭地陷崩也 魏氏圖曰東行西指越兵大起得所出國民排患也 魏氏圖曰南行西北指者其國大豐孝經內紀曰彗星東北行西南指者所出國中大要為亂也 魏氏圖曰西行東指者國塞外兵入國為大起兵 魏氏圖曰北行南指者其國中禍大起也 魏氏圖曰西行東南指者國中大

惡為亂 孝經雌雄圖曰彗星四出

按圖文橫如十字而四尾並散也

滿天下有知之士就高而居之也無知之士流為糞土

耕於山脅 彗星圖曰蒺藜星出天下大旱赤地五百

里無生草也 兩彗俱見彗有芒角五 孝經雌雄圖

曰兩彗俱見者天子歲再赦

一曰北向指者一歲再赦也

孝經內

記曰二彗星起南指者所出國大血流道洛書摘亡辟

曰三彗俱起海內少男子 春秋元命包曰彗星四出

滅六王 洛書摘亡辟曰彗星四出滅六王 荊州占

曰彗星四出竟天人主亡徵也 洛書曰五彗並出太

白入午白虹貫能主省尚可治 春秋緯曰五彗俱出

聖君起則獲麟執授紀 巫咸曰五彗俱出侯稱王天

下大亂兵起四方諸侯同謀人主亡除舊布新掃去

凶殃更立明君天下大昌期百八十日遠一年又曰五

彗出東方人主坐之聖人起亦然荊州占曰五彗俱出

天下兵起人主亡 春秋緯曰彗星五芒禍之極効之

徵也 春秋考異郵曰彗星之芒臨京都主以賞罰不

行偏任見犯

唐開元占經卷八十八